

阿惟越致菩薩摩訶薩般若波羅蜜經爲解
中慧其福轉倍益多復次拘翼闍浮利人皆
令如阿惟越致菩薩阿釋多羅三耶三菩若
有善男子善女人隨教人入般若波羅蜜中
云何拘翼其福寧多不釋提桓因言甚多甚
多天中天佛言從是輩中若有一菩薩便作
是語我欲疾作佛正使欲疾作佛不如人入
般若波羅蜜者其福轉倍益多置闍浮利三
千大千國土乃至恒邊沙佛刹人皆悉如阿
惟越致菩薩阿釋多羅三耶三菩若有教善
男子善女人入般若波羅蜜中云何拘翼其
福寧多不釋提桓因言甚多甚多天中天佛
言若有一菩薩從其中作是言我欲疾作佛
正使疾作佛不如持般若波羅蜜授與人者
其福轉倍益多釋提桓因白佛言如是如是
天中天極安隱者即菩薩摩訶薩令近佛坐
持衣食牀臥具供養醫藥所當得不如持般
若波羅蜜教授人者其福轉倍益多何以故

天中天其得般若波羅蜜者今近佛坐湏菩
提語釋提桓因言善哉善哉拘翼於尊弟子
菩薩摩訶薩中乃作是觀諸聲聞者因是而
得成是輩人不索佛道者菩薩摩訶薩不當
於中學六波羅蜜不學是法者不得作佛隨
法如學疾成阿釋多羅三耶三菩便得至佛

方

摩訶般若波羅蜜鈔經卷第二

淡四

塙直尼屏隈上必若反烏迴反娟池爾娟反芳微

反烏合跋波亘下居波反鱗莫朗枝支亦

轂羽店譖音會

摩訶般若波羅蜜鈔經卷第三

苻秦天竺沙門曇摩譚共竺林譯

善權品第四

余時彌勒菩薩謂須菩提若有菩薩摩訶薩
勸助爲福出入布施持戒自守者上其福轉
尊極上無過菩薩摩訶薩勸助福德須菩提

語彌勒菩薩復有菩薩摩訶薩於阿僧祇刹
土諸佛所而作功德一一刹土不可計佛其
般泥洹者乃從發意已來自到阿耨多羅三
耶三菩成至阿惟三佛者乃至無餘泥洹界
而般泥洹者然後至于法盡於是中所作功
德其功德度無有極及諸聲聞作布施持戒

自守爲福於有餘功德自致無餘諸有般泥
洹佛於其中所作功德至有淨戒身三昧身
智慧身以脫身脫慧所見身佛法極大哀不
可計佛天中天所說法於其法中復學諸所
有功德乃於諸般泥洹佛法所作功德都計
之合之勸助爲尊種種得中爲極是上極勸
助者是爲勸助勸助以持作阿耨多羅三耶
三菩以是爲阿耨多羅三耶三菩置是菩薩
之人持心能作是求阿耨多羅三耶三菩乃
生作是心欲有所得彌勒菩薩語須菩提其
不作是求乃能有所得其作是思想者以爲
無點能生是意用思想悔還用信悔還但用

無點故還隨四顛倒無常謂有常苦謂有樂
空謂有實無身謂有身以故思想悔還心悔
還信悔還菩薩不當作是心有所求於所求
無處所云何求阿耨多羅三耶三菩彌勒菩
薩謂須菩提不當於新學菩薩摩訶薩前說
是語何以故或亡所信亡所樂亡所喜亡所
行便從是墮當爲是菩薩摩訶薩可說聞者
在善師邊者當爲是菩薩摩訶薩可說聞者
不恐不怖不畏是菩薩摩訶薩能勸助爲福
作薩芸若持心作是勸助心亦盡滅無所有
無所見何等心當作阿耨多羅三耶三菩者
當以何心作心無兩對心之自然乃能所作
釋提桓因語須菩提新學菩薩摩訶薩聞是
或恐或怖若菩薩摩訶薩欲作功德者當云
何勸助其福得作阿耨多羅三耶三菩須菩
提語彌勒菩薩當作護諸佛所破壞衆惡而
斷愛欲等行如一降伏魔事棄捐重擔即自
從所有勤苦悉爲以盡其知以脫心即從計

從阿僧祇刹上諸般泥曰者於其中所作功德福於諸聲聞中復作功德都計之合之勸助爲尊種種德中無過勸助其勸助者能爲勸助勸助以持作阿耨多羅三耶三菩何所是菩薩摩訶薩想不還所信不悔還正使善薩摩阿薩持心作阿耨多羅三耶三菩其心無所想者是菩薩摩訶薩心得阿耨多羅三耶三菩正使心念自了知是爲想悔還心悔還所信悔還正使心念後知是心則是作是爲想悔還信悔還正使菩薩摩訶薩持心了知當作是覺知盡無所有知盡者當知何心有所作當了知心何所心法於法有所作如法者爲隨法已於作真爲是作即非邪作是菩薩摩訶薩所作若有菩薩摩訶薩於過去當來今現在佛所作功德若諸聲聞下至凡人所作功德若畜生聞法及諸天諸閻又軋多羅阿須倫迦留羅真陀羅摩跋勒諸人若非人聞法者發心所作功德及初學菩薩道

者都計之合之積累爲上其勸助者能爲勸助是以極尊種種德中無過勸助是以勸助所當勸助能爲勸助福用作阿耨多羅三耶三菩正使復如是爲盡法於法無所生無所滅無所處治無所生法得作阿耨多羅三耶三菩是法不了法有反用作阿耨多羅三耶三菩故是爲無想不悔還心亦不悔還所信不悔還作是無所求衆所不逮是爲阿耨多羅三耶三菩所作若有菩薩摩訶薩不諦曉了知作福德者所以者何於身恍惚於勸助福亦復恍惚菩薩了知恍惚無所有是故菩薩摩訶薩般若波羅蜜若於諸般泥洹佛所而作功德持是功德欲作所求其知自然能爲阿耨多羅三耶三菩諸佛天中天所著不着想過去以滅亦無有想而不作想其作想者爲非德菩薩摩訶薩當學溫和拘舍羅未得般若波羅蜜者不得又已得般若波羅蜜乃得入勿爲身作識用之有滅以是故無有

法第3

身身有德之人有想便礙反欲苦住怛薩阿竭阿羅呵三耶三菩不學作是德持勸助何以故用不正故視般泥曰佛而反有想以故爲礙所作功德爲不及遠反欲苦住其不作想者是怛薩阿竭阿羅呵三耶三佛之德其作想者辭若雜毒何以故設美飯以毒着中色大甚好而香無不喜者不知飯中有毒愚闇之人食之歡喜飽滿食欲消時久久不便身不知德行者甚之爲難不曉將護不曉中事不能解知作是行德者爲如雜毒之食語善男子過去當來今現在佛持戒身三味身智慧身以脫身脫慧所見身及於聲聞中所作功德佛天中天所說若復辟支佛所而作功德都勸助之勸助以持是福德作阿耨多羅三耶三菩提所作爲想用是故辭若雜毒菩薩摩訶薩當作是學何所過去當來今現在佛功德當云何勸助作福成得阿耨多羅三耶三菩是菩薩隨怛薩阿竭教者是即爲

作智佛功德所生自然及其想法所有持是福作勸助因其勸助自致得阿耨多羅三耶三菩菩薩摩訶薩作是施者無過終不離怛阿竭阿羅呵三耶三佛所語皆至誠復次菩薩摩訶薩常作是施如淨戒如三昧如智慧如以脫如脫慧所見身無欲累無色界無

法華經卷三

四

無色界亦無過去當來今現在亦無所有無所有施亦復無所有其作是施爲以如法法亦無所有作施者爲成所施無有毒其作異施者爲作反施是菩薩摩訶薩所施以如法者佛天中天所知是即爲施得作阿耨多羅三耶三菩佛言善哉善哉須菩提所作爲如佛是即爲菩薩摩訶薩所施三千大千國土人悉念慈悲等護心無過菩薩摩訶薩上頭所施是即爲極尊復次須菩提三千大千國土人悉作阿耨多羅三耶三菩使如恒邊沙佛刹人皆供養是菩薩震越衣被飯食牀卧具病瘦醫藥如恒邊沙劫供養隨所喜樂作

是布施云何須菩提其福寧多不須菩提言甚多甚多天中天佛言勸助功德福過其上不可計須菩提白佛言代勸功德福者如恒邊沙佛土不能悉受佛言善哉善哉須菩提若有菩薩持般若波羅蜜者所作施爲過其本所施上以無能過勸助所施上百倍千倍

萬倍億倍巨億倍爾時四天王天上二萬天人悉以頭面着佛足皆白佛言極大施六中天菩薩摩訶薩漚和拘舍羅乃作是施其功德甚大尊何以故是菩薩摩訶薩學般若波羅蜜於中勸助故忉利天上諸天人持天華名香擣香雜香澤香燒香天繒華蓋幢幡伎

五

舍羅乃作是施極大德之功德何以故是菩薩摩訶薩學般若波羅蜜於中勸助故尼摩羅提天上諸天人持天華名香擣香雜香澤香燒香天繒華蓋幢幡伎樂持用供養娛樂佛供養已皆白佛言極大施天中天菩薩摩訶薩漚和拘舍羅乃作是施極大尊之功德何

樂持用供養娛樂佛供養已皆白佛言極大施天中天菩薩摩訶薩漚和拘舍羅乃作是施極大施之功德何以故是菩薩摩訶薩學般若波羅蜜於中勸助故鹽天上諸天人持天華名香擣香雜香澤香燒香天繒綵華蓋幢幡伎樂持用供養娛樂佛供養已皆白佛言極大施天中天菩薩摩訶薩漚和拘舍羅乃作是施極大尊之功德何以故是菩薩摩訶

絃妙五

薩學般若波羅蜜於中勸助故梵天梵迦夷天梵福樓天梵波利產天盧天波利陁天密波摩那天阿波會天首訶天波利首訶天阿波摩首天首呵迦天比伊潘羅天阿比耶天須陁施天尼天乃至阿迦臘吒天等諸天人悉以頭面着佛足皆言甚善天中天菩薩摩訶薩學般若波羅蜜極爲大施之功德何以故是菩薩摩訶薩學般若波羅蜜於中勸助故佛語首陁衛諸天人置三千大千國上中菩薩摩訶薩及恒邊沙佛刹人悉作阿耨多羅三耶三菩復有恒邊沙佛刹人都共供養是輩菩薩摩訶薩震越衣服飯食去來卧具

設第三

六

病瘦醫藥供養如恒邊沙劫隨所樂喜作是施與若復過是者不及菩薩摩訶薩勸助之施爲過去當來今現在佛淨戒身三昧身智慧身以脫身脫慧所見身及諸聲聞身其中者所作功德都共計之合之及不勸助若勸助者以是極尊無能過者作是勸助以持作

阿耨多羅三耶三菩須菩提白佛言屬天中天所說都共計之合之極尊無過勸助悉代勸助勸助已菩薩摩訶薩從是中得何等法佛語須菩提道德之人當知過去當來今現在法無所取亦無所捨亦無所知亦無所得其法者爲無所生法亦無所身滅法者亦無從生法亦無所從滅於法中了無所生者法亦無所從有而滅是者法之所法我代勸助之是爲勸助作是施者疾得作阿耨多羅三耶三菩是故須菩提菩薩摩訶薩勸助爲尊復次須菩提菩薩摩訶薩於過去當來今現在佛所代作布施者勸助代持戒忍辱精進一心智慧而勸助之代以脫者勸助之代脫慧所見身勸助之作是代勸助其脫者是爲布施其脫者是爲忍辱其脫者是爲精進其脫者是爲一心其脫者是爲智慧其脫者是爲脫慧其脫者是爲脫慧所見身其脫者是爲以脫其脫者代其勸助其脫者是爲法是

設第三

七

故當來未有如其脫者令阿僧祇刹土諸佛天中天現在者其脫者是即諸佛弟子其脫者以過去諸佛弟子其脫者今現在諸佛弟子於是法中無縛無著無脫如是法看持作阿耨多羅三耶三菩所施爲從中無有能過者無有能壞者是者須菩提菩薩摩訶薩勸助之爲尊如恒邊沙佛刹中菩薩悉壽如恒邊沙劫恒邊沙佛刹人都悉供養諸菩薩摩訶薩震越衣服飲食牀卧具病瘦醫藥乃至恒邊沙劫須菩提皆持戒忍辱於精進而不懈於禪悉得三昧百倍千倍萬倍若干巨億萬倍不如勸助功德福最尊出其上

摩訶般若波羅蜜鈔經地獄品第五

舍利弗白佛言般若波羅蜜有多所成天中天因般若波羅蜜無不得字者天中天般若波羅蜜爲極照明天中天般若波羅蜜爲去冥天中天般若波羅蜜者無所着天中天般若波羅蜜爲極尊天中天無目者般若波羅

蜜爲作眼天中天其迷惑者般若波羅蜜悉授道路天中天薩芸若者即般若波羅蜜是天中天般若波羅蜜者是菩薩摩訶薩母天中天無所生無所滅即般若波羅蜜是天中天具足三合十二法輪爲轉是般若波羅蜜天中天般若波羅蜜其困苦者悉安隱之天中天般若波羅蜜於生死作護天中天般若波羅蜜於一切法悉皆自然菩薩摩訶薩當云何於般若波羅蜜中住天中天佛語舍利弗世多羅者因般若波羅蜜住其敬佛者當自歸般若波羅蜜釋提桓因心念尊者舍利弗何因發是問即時釋提桓因謂舍利弗何因尊者乃作是問舍利弗謂釋提桓因拘翼般若波羅蜜者是菩薩護因其勸助功德福持作薩芸若過菩薩之所作爲若布施持戒忍辱精進禪上辟若如人從生而盲若百人若干人若万人若千万人無有前導欲有所至若欲入城者不知當如行如是拘翼五波

羅蜜者亦如育無所見離般若波羅蜜者如是欲入薩芸若中不知當如行般若波羅蜜即五波羅蜜之護悉與眼目般若波羅蜜者是護令五波羅蜜各得名字舍利弗白佛當云何守入般若波羅蜜中佛語舍利弗色者不見所入痛癢思想生死識亦不見所入視

五陰亦不見所入是爲守般若波羅蜜如是者天中天以爲守般若波羅蜜作是守者爲遠何法佛語舍利弗無所守是爲遠法守爲般若波羅蜜釋提桓因白佛言般若波羅蜜不遠薩芸若者亦不能得遠亦不遠守於生死亦無所遠當云何遠天中天佛言無所遠故能爲遠釋提桓因言少有及者天中天如般若波羅蜜於諸法諸法無生無所滅當何所住無有住須菩提白佛言菩薩或時作是念便離般若波羅蜜佛語須菩提儻有所因便念般若波羅蜜知般若波羅蜜空無所有無近無遠是故爲菩薩摩訶薩般若波羅蜜

須菩提白佛言般若波羅蜜者爲信何法佛語須菩提信般若波羅蜜者爲不信色亦不信痛癢思想生死識有不信須陀洹道不信斯陀含阿那含阿羅漢辟支佛道須菩提白佛言摩阿波羅蜜者天中天即般若波羅蜜是佛謂須菩提云何知摩訶波羅蜜因般若

波羅蜜

九

波羅蜜是須菩提於色無大無小不以色爲證亦不爲色作證痛癢思想生死識亦無大無小於識不以爲證亦不爲識作證便於怛薩阿竭阿羅阿三耶三佛致十種力即不復爲弱薩芸若無廣無狹何以故無廣無狹薩芸若知於般若波羅蜜無所行所以者何般若波羅蜜無所有若人若於中有所求謂有所有是則爲大非何以故人無所生般若波羅蜜與人俱皆自然人恍惚故般若波羅蜜俱不可計人亦不壞般若波羅蜜亦如是人如般若波羅蜜者便得成至阿惟三佛人亦有力故怛薩阿竭境而有力舍利弗白佛言

般若波羅蜜甚深甚深天中天若有菩薩摩訶薩信般若波羅蜜者不說其中短亦不狐疑其人從何所來生是間爲行菩薩道已來幾聞解般若波羅蜜事隨教入中者佛語舍利弗從他方佛刹來生是間是菩薩摩訶薩於他方供養佛已從受汝聞般若波羅蜜故以是復聞般若波羅蜜自念言我如見佛無異須菩提白佛言般若波羅蜜可得見聞不佛言不可得見須菩提白佛言是菩薩隨深般若波羅蜜者行已來爲幾聞佛語須菩提是非一輩學各各有以供養若干百佛若干千佛悉見已於其所皆行清淨戒已若有於衆中聞般若波羅蜜棄捨去爲不敬菩薩摩訶薩法佛說深般若波羅蜜其人棄捨去不欲聞之何以故是人前世助聞般若波羅蜜用棄捨去故亦不以身心是皆無知之人所致用是罪故若聞深般若波羅蜜復止人不令說之止般若波羅蜜者爲止薩芸若其止

薩芸若者爲止過去當來今現在佛用是斷法罪故死入大泥犁中若干百千歲若干億萬歲當受若干泥犁毒痛甚不可言其中壽盡轉生他方摩訶泥犁中其壽復盡展轉到他方摩訶泥犁中生舍利弗白佛言其罪爲隨五逆惡佛謂舍利弗其罪雖喻不可引譬若諷誦讀深般若波羅蜜時其心疑於法者亦不肯學念是言非怛薩阿竭所說止他人言莫得學是爲以自壞復壞他人自飲毒已復餌他人毒是輩人爲以自亡失復失亡他人自不曉知深般若波羅蜜轉復壞他人是曹人者不當見之舍利弗不當與共坐起言語飲食何以故是曹之人誹謗法者自在真中復持他人著冥中其人自毒殺身無異斷法之人所語有信者用其言者其人所受罪俱等無有異所以者何用誹謗佛語故誹謗般若波羅蜜者爲悉誹謗諸法已舍利弗白佛言願聞誹謗法者受形何等像類許不知

其身大如佛謂舍利弗是誹謗法人儻聞是事其人涕血便從面孔出或恐便死因是被大痛其人聞之心便愁毒而消盡辟若斷華著日中即爲萎枯舍利弗言願爲人故當說之令知其身受形云何當爲後世人作大明其有聞者畏懼當自念我不可誹謗斷法如

彼人佛語舍利弗是爲示人之大明以所因罪受其身甚大醜惡極勤苦臭處誠不可說其苦痛甚大而久極是善男子善女人聞是語自足以不重復誹謗須菩提白佛言少有信男子善女人聞是人但坐口所言乃致是罪佛語須菩提是愚癡之人於我法中作沙門反

法華卷第二

十一

誹謗般若波羅蜜言非道止般若波羅蜜爲者止佛菩薩以止佛菩薩者爲斷過去當來現在佛菩薩若已斷薩芸若者爲斷法以斷法者爲斷比丘僧以斷比丘僧者爲受不可計阿僧祇之罪須菩提白佛言若有斷般若波羅蜜者天中天爲幾事佛語須菩提以爲

魔所中是善男子是善女人不信不樂用是二事故能斷深般若波羅蜜復次須菩提斷般若波羅蜜者復有四事何謂四事隨惡師所言不隨順學不承至法主行誹謗索人短自貢高足爲四事須菩提白佛言少有信般若波羅蜜者天中天不曉了是法故佛語須

菩提如是如是少有信般若波羅蜜者不曉法故須菩提言云何深般若波羅蜜少有信者佛語須菩提色無着無縛無解何以故色之自然爲色痛癢思想生死識無着無縛無脫何以故識之自然爲識過去色無着無縛無脫何以故過去色之自然故當來色無着無縛無脫何以故當來色之自然色故今現在色無着無縛無脫何以故色之自然故過去痛癢思想生死識無着無縛無脫何以故過去色之自然故當來識無着無縛無脫何以故當來識之自然故今現在識無着無縛無脫何以故識之自然故用是故須菩提

般若波羅蜜甚深少有信者

摩訶般若波羅蜜鈔經清淨品第六

須菩提言般若波羅蜜少有曉者將不
狎習故佛語須菩提如是如是般若波羅蜜
少有曉者用是不狎習之所致何以故須菩
提色清淨道亦清淨故言色清淨道亦清淨
痛癢思想生死識亦清淨故言道亦清淨是
故識亦清淨復次須菩提色清淨薩芸若亦
清淨色亦清淨是故色清淨薩芸若亦清淨
等無異今不斷前不不斷後故無壞以是故
前爲不斷舍利弗白佛言清淨者天中天爲
甚深佛言甚清淨舍利弗言清淨爲極明天
深般若鈔三

十三

中天佛言甚清淨舍利弗言清淨無有垢天
中天佛言甚清淨舍利弗言清淨無瑕穢天
中天佛言甚清淨舍利弗言清淨無所有天
中天佛言甚清淨舍利弗言於欲無所欲清
淨天中天佛言甚清淨舍利弗言於色而無
色清淨天中天佛言甚清淨舍利弗言無所

生爲色甚清淨天中天佛言甚清淨舍利弗
言於有智而無智甚清淨天中天佛言甚清
淨舍利弗言於智者而無智者甚清淨天中
天佛言甚清淨舍利弗言於色而有智無有
智者甚清淨天中天佛言甚清淨舍利弗言
於痛癢思想生死識而無有智無有智者甚
清淨天中天佛言甚清淨舍利弗言般若波
羅蜜甚亦清淨天中天薩芸若者不增不減
天中天佛言甚清淨舍利弗言般若波羅蜜
甚清淨於諸法無所取天中天佛言甚清淨
須菩提白佛言我者清淨色亦清淨天中天
佛言本清淨須菩提言故曰我清淨痛癢思
想生死識亦清淨天中天佛言本清淨須菩
提言我清淨道亦清淨天中天佛言本清淨
須菩提言我者清淨薩芸若亦清淨天中天
佛言本清淨須菩提言我者清淨無端結天
中天佛言本清淨須菩提言我者清淨無有
邊色亦清淨無邊天中天佛言本清淨須菩

十三

提言我者無有邊痛癢思想生死識亦無有
邊天中天佛言本清淨須菩提言曉知清淨
者即菩薩摩訶薩般若波羅蜜是佛言本清
淨須菩提言般若波羅蜜者亦不在彼亦不
在是亦不離是亦不在中間天中天佛言本
清淨須菩提白佛言菩薩摩訶薩知是者爲
行般若波羅蜜有想者便離般若波羅蜜遠
已佛言善哉善哉須菩提有字者便有想以
想故着須菩提白佛言難及波羅蜜天中天
安隱汝於着舍利弗言問須菩提何所爲着
須菩提言知色空者是曰爲着知痛癢思想
生死識空是曰爲着於過去法知過去法是
曰爲着於當來法知當來法是曰爲着於現
在法知現在法是曰爲着知法者爲得大功
德發意菩薩是即爲着釋提桓因問須菩提
何謂爲着須菩提心知拘翼持是知心施與
作阿耨多羅三耶三菩提者本清淨能可有
所作善男子善女人其菩薩者勸人教人爲

阿耨多羅三耶三菩提爲說正法自於身心無
所失於佛種有所造是善男子善女人以離
諸着爲棄本際佛言善哉善哉須菩提今菩
薩摩訶薩知本際爲覺着事復次須菩提有
着甚深微妙我今說之諦聽上中下言
悉善須菩提白佛言願樂欲聞佛言若善男
子善女人於怛薩阿竭阿羅呵三耶三佛念
欲作想隨所想是故爲着過去當來今現在
佛天中天於無餘法代勸助之是爲勸助阿
耨多羅三耶三菩提於法者而無法故曰無過
去當來今現在以是不可有所作亦不可有
想亦不可作因緣有不可見聞不可知須菩
提白佛言其本甚深清淨天中天佛言本清

淨須菩提言今日歸般若波羅蜜佛言法無
作者故得成阿惟三佛須菩提言諸法實無
作阿惟三佛者佛語須菩提無有兩法用之
本淨故曰爲一其淨者於一切亦無作者佛
語須菩提是以離諸着爲棄本際須菩提白

卷三

佛言般若波羅蜜者難了天中天佛言如是無有得阿惟三佛者須菩提言般若波羅蜜不可計天中天佛言如是須菩提非心之所知須菩提言爲無有作者天中天佛言無有作者故無所着須菩提白佛言菩薩當云何行般若波羅蜜佛言不想痛癢思想生死識

行爲行般若波羅蜜色不滿色爲行般若波羅蜜色不滿爲非色行爲行般若波羅蜜痛癢思想生死識不滿爲行般若波羅蜜須菩提白佛言難及天中天於着無所着是實爲不着佛言不着色者爲行般若波羅蜜不着痛癢思想生死識行爲行般若波羅蜜是爲菩薩摩訶薩行般若波羅蜜於色爲不着於痛癢思想生死識爲不着於須陀洹斯陀含阿那含阿羅漢辟支佛道亦不着所以者何以過諸着故復出薩芸若中是爲般若波羅蜜須菩提白佛言所說法甚深難逮天中天若所說不增不說者亦不減佛言如是如是

須菩提辭若怛薩阿竭盡壽稱譽空空亦不增若不稱譽空空亦不減譬如稱譽幻人者亦不增不稱譽者亦不減聞善亦不喜聞惡不憂如是須菩提於法各各諷誦學之法亦不增不減須菩提白佛言菩薩摩訶薩甚慊苦行般若波羅蜜若有守般若波羅蜜者其不懈

淡雅若斯

十五

不恐不怖不動不還以何故守般若波羅蜜者爲守空故一切皆當爲菩薩摩訶薩作禮用被僧那大鎧故與空共戰爲一切人故着僧那爲一切人故而舉空是菩薩摩訶薩爲極大勇猛天中天用空法故自致阿耨多羅三耶三菩提成向惟三佛有異化丘心念之

當自歸般若波羅蜜爲無所生法亦爲無所滅法釋提桓因語須菩提菩薩隨般若波羅蜜教者爲隨何教須菩提言爲隨空教釋提桓因言何所隨空教者須菩提言其欲寂靜者是菩薩摩訶薩爲知般若波羅蜜釋提桓因白佛言其受般若波羅蜜者天中天當護

幾何間須菩提謂釋提桓因云何拘翼能見

法當所護者不而言欲護之釋提桓因言不

須菩提言隨般若波羅蜜教作者是爲以得

護若人若非人終不得其便須菩提言若菩

薩摩訶薩護空者爲隨般若波羅蜜行已云

何拘翼能可護響不釋提桓因言不能須菩

提言如是拘翼菩薩摩訶薩行般若波羅蜜

者其法亦如響以知是者亦復無想以無想

念爲行般若波羅蜜用佛威神三千大千國

土諸四天王諸釋梵及諸尊天一切皆來到

佛所前爲佛作禮繞竟三匝各住一面諸天

天王釋梵悉承佛威神念諸千佛皆字釋迦

文其比丘者皆字須菩提問般若波羅蜜者

皆如釋提桓因

並非舊書

摩訶般若波羅蜜鈔經卷第三

淡五

震越即足聲 盡音合 狎音合 懷音懷

嵐山縣朱塘鄉第三保居住奉

佛弟子周氏 古娘

所伸情旨發心施淨財刊解

肇訶般若波羅蜜鈔經版第三卷所集 功德所資

朱報福慈二嚴乞 保身位平善福壽延長者

咸淳六年三月 日弟子周氏 古娘 謹題

摩訶般若波羅蜜鈔經卷第四

淡六

本無品第七

符奉天竺沙門墨摩竭共竺佛念譯

須菩提白佛言諸法隨次者天中天是爲法語故曰無所損諸法者爲無有端其法相者爲無所礙如空法者爲無所生諸所生不可得是爲法生故無所得諸欲諸梵天子俱白佛言其寂者即佛弟子今尊者須菩提所說者悉空須菩提語諸天子言爲隨怛薩阿竭教佛言云何須菩提知隨怛薩阿竭教須菩提復言如怛薩阿竭本無量是爲怛薩阿竭教諸過去當來現在悉爲本無佛言隨本無